

9. gr.

2

Hver sá, sem skemmir eða saugar vatnsæðar vatnsveitunnar, geymana eða önnur mannvirki, skal greiða fullar bætur fyrir samkvæmt mati tveggja dómkvaddra manna, og sæta sektum, nema þyngri refsing liggi við að lögum.

10. gr.

Af öllum íbúðarhúsum í Hellissandskaupþúni, sem vatn nota, skal greiða vatnsskatt kr. 365.00 á ári og 1% af fasteignamati húsa. Auk þess skal greiða kr. 200.00 fyrir hverja íbúð, sem búið er í umfram eina í hverju húsi, enn fremur kr. 50.00 fyrir hvern nautgrip, en hálf gjald fyrir vetrung. Sé vatn notað til annars en almennra heimilisþarfa, svo sem í sláturhús, söltunarahús og beitingahús, skal greiða gjald eftir samkomulagi við hreppsnefnd, þó ekki undir 150.00 á ári miðað við $\frac{1}{2}$ " vatnshana.

11. gr.

Reikningsár vatnsveitunnar er almanaksárið. Gjaldddagi vatnsskatts er 1. júlí ár hvert. Húseigandi ber ábyrgð á vatnsskatti af húseigninni. Vatnsskatt má taka lögtaki í hinu skattskylda húsi eða atvinnufyrirtæki án tillits til eigendaskipta.

Fyrir vatnsnotkun þá, er þegar hefur farið fram, greiðist hlutfallsgjald frá þeim tíma, er húseigandi fékk vatn í hús sitt, til næstu áramóta.

12. gr.

Heimilt er hreppsnefnd fyrir eitt ár í senn að hækka eða lækka vatnsskatt um allt að 20% (20 af hundraði).

13. gr.

Brot gegn reglugerð þessari varðar allt að kr. 500.00 sekt, nema þyngri refsing liggi við að lögum.

Reglugerð þessi, sem samin er og samþykkt af hreppsnefnd Neshrepps utan Ennis, staðfestist hér með samkvæmt vatnalögum, nr. 15 21. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað og birtist til eftirbreytni öllum þeim, er hlut eiga að máli.

Félagsmálaráðuneytið, 2. janúar 1953.

Steingrímur Steinþórsson.

Jónas Guðmundsson.

S A M Þ Y K K T

fyrir veiðifélag Hrútafjarðarár og Síkár.

3

7. jan.

1. gr.

Félagið heitir Veiðifélag Hrútafjarðarár og Síkár. Er félagssvæðið Hrútafjarðará að Réttarfossi, Síká að næsta fossi fyrir ofan Gránes og Miklagil að neðsta fossi.

Heimili þess og varnarþing er heimili formanns á hverjum tíma, enda sé hann búsettur á félagssvæðinu.

2. gr.

Verkefni félagsins er að auka fiskgengd í ánum með þeim ráðum, sem henta á hverjum tíma og vinna að viðhaldi góðrar fiskgengdar í þeim og leigja þær til stangaveiði.

3

3. gr.

7. jan. Félagsmenn eru ábúendur allra jarða á félagssvæðinu, en þær eru:

- a. v/ Hrútafjarðarár:
Brandagil, Staður, Hrútatunga, Óspaksstaðir, Grænumýrartunga, Melar, Fjarðarhorn, auk þess Landssími Íslands fyrir landi símastöðvarinnar við Hrútafjarðará og Bæjarhreppur v/ eyðijarðarinnar Gilhaga.
- b. v/ Síkár:
Bálkastaðir, Foss, Hrútatunga.
- c. v/ Miklagils, er fylgir Hrútafjarðará í leigu:
Grænumýrartunga og Gilhagi.

4. gr.

Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki og með hvaða kjörum leyfið er veitt.

5. gr.

Heimilt er stjórninni að leigja veiði á félagssvæðinu einstökum mönnum eða félögum. Þó má slíkt leyfi ekki vera nema til eins árs í senn, nema lögmætur fundur samþykki og tekið hafi verið fram í fundarboði, að slíkt veiðileyfi verði til umræðu.

Heimilt er að aðskilja Hrútafjarðará og Síkú til leigu og skal þá hvor þeirra hafa sína raunverulegu réttu leigu.

6. gr.

Stjórn félagsins skipa 3 menn, formaður og tveir meðstjórnendur. Skulu þeir kosnir á aðalfundi til þriggja ára í senn ásamt varamönnum. Enginn atkvæðisbær félagsmaður getur skorast undan kosningu, nema hann hafi verið þrjú undanfarin ár í stjórninni.

7. gr.

Stjórnin hefur á hendi allar framkvæmdir milli funda. Formaður er fulltrúi félagsins út á við og hefur umsjón með störfum þess og fjárreiðum öllum. Afl atkvæða ræður úrslitum á stjórnarfundum.

8. gr.

Hverjum félagsmanni getur stjórnin falið sérstök störf, sem sé meðal annars að hafa eftirlit með ánum, ef þurfa þykir.

9. gr.

Aðalfund skal halda í maímánuði ár hvert. Aðalfundur er lögmætur sé hann boðaður með að minnsta kosti fjögurra daga fyrirvara og fundarboði hagað svo sem tíðkast í hlutaðeigandi sveitum.

Á aðalfundi skýrir stjórnin frá gerðum félagsins á liðnu starfsári og leggur fram áætlun og tillögur um starfsemi þess á næsta ári. Þar leggur hún og fram endurskoðaða reikninga félagsins fyrir liðið ár og úrskurðar fundurinn þá. Þá kys aðalfundur tvo endurskoðendur ásamt varamönnum til þriggja ára.

Aðalfundur ákveður laun stjórnarinnar.

Afl atkvæða ræður úrslitum mála á fundum félagsins, nema um breytingu á samþykktinni eða félagsslit, sbr. 14. og 15. gr.

10. gr.

Aukafundi heldur stjórnin, þegar henni þykir ástæða til eða $\frac{1}{4}$ félagsmanna óskar.

11. gr.

Reikningsár félagsins er almanaksárið.

3

7. jan.

12. gr.

Arði af veiði hvorrar ár, Hrutafjarðarár og Síkár, skal skipt niður á félagsmenn eftir arðskrá, sem samþykktar eru af málsaðilum (veiðieigendum) hvorrar ár á aðalfundi og undirritaðar af a. m. k. $\frac{2}{3}$ rétttra hlutaðeigenda. Gilda þær til 5 ára. Er þeim, sem telur sig vanhaldinn um skiptingu arðs, heimilt að krefjast mats, samkv. 65. og 84. gr. laga nr. 112 9. okt. 1941, um lax- og silungsveiði. Náist ekki samkomulag um nýjar arðskrár að 5 árum liðnum, gilda gömlu arðskrárnar áfram. Félagsmenn greiða gjöld til félagsins í sömu hlutföllum og þeir taka arð.

13. gr.

Brot á samþykkt þessari varða refsingu samkv. lögum nr. 112 frá 1941.

14. gr.

Samþykktinni má breyta, ef $\frac{2}{3}$ mættra félagsmanna eru breytingunni samþykkir, og hafi hennar verið getið í fundarboði.

15. gr.

Félaginu má slíta, ef $\frac{2}{3}$ félagsmanna samþykkja það.

Samþykkt þessi, sem gerð er samkvæmt lögum nr. 112 9. október 1941, um lax- og silungsveiði, staðfestist hér með til að öðlast þegar gildi, og birtist til eftirbreytni öllum þeim, er hlut eiga að máli.

Landbúnaðarráðuneytið, 7. janúar 1953.

Hermann Jónasson.

Árni G. Eylands.

REGLUGERÐ

um breyting á reglugerð fyrir menntaskóla, nr. 175 27. september 1951.

4

8. jan.

1. gr.

Fyrsta málsgrein 44. gr. reglugerðarinnar orðist svo:

Til þess að nemandi standist árspróf 1. bekkjar, má fullnaðareinkunn hans ekki vera lægri en 5.50, í öðrum bekkjum 5.00.

2. gr.

Reglugerð þessi er sett samkvæmt lögum nr. 58 frá 1946 og öðlast þegar gildi.

Menntamálaráðuneytið, 8. janúar 1953.

Björn Ólafsson.

Birgir Thorlacius.